



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel: 00387 33 586-411

**PRAVILNIK
O NAČINU DODJELE SREDSTAVA ZA OBNOVU I OPREMANJE OBJEKATA OBRAZOVNIH
USTANOVA**

Sarajevo, april 2025. godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", br.49/06 i 51/09), čl. 71. i 125. Statuta Općine Vogošća – („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24), a u vezi sa članom 132. Zakona o odgoju i obrazovanju u osnovnoj i srednjoj školi u Kantonu Sarajevo i tačkom 5. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj: 37/24), Općinski načelnik donosi

PRAVILNIK O NAČINU DODJELE SREDSTAVA ZA OBNOVU I OPREMANJE OBJEKATA OBRAZOVNIH USTANOVA

I OSNOVNE ODREDBE

Član 1. (Predmet Pravilnika)

Pravilnikom o načinu dodjele sredstava za obnovu i opremanje objekata obrazovnih ustanova (u daljem tekstu: Pravilnik) utvrđuju se cilj, uslovi, kriteriji i postupak dodjele budžetskih sredstava Općine Vogošća (u daljem tekstu: Općine) za sufinansiranje troškova obnove i opremanje objekata obrazovnih ustanova sa područja Općine.

Član 2. (Cilj Pravilnika)

Cilj programa je unapređenje odgojno–obrazovnog procesa i uslova rada u predškolskim ustanovama, osnovnim i srednjim školama, odnosno stvaranja što povoljnijih uslova za realizaciju nastave.

Član 3. (Rodno značenje izraza)

Izrazi koji se koriste u ovom Pravilniku, a koji imaju rodno značenje, bez obzira jesu li korišteni u muškom ili ženskom rodu, obuhvataju na jednak način muški i ženski rod.

II PRAVO I USLOVI

Član 4. (Pravo na dodjelu sredstava)

- (1) Pravo na podnošenje zahtjeva za dodjelu sredstava za ovu namjenu imaju javne ustanove iz oblasti obrazovanja čije sjedište je na području Općine i to:
- a) predškolske ustanove,
 - b) osnovne škole,
 - c) srednje škole.

Član 5. (Javni poziv)

- (1) Sredstva iz člana 1. ovog Pravilnika dodjeljivat će se na osnovu podnesenih zahtjeva, a u skladu sa objavljenim javnim pozivom.

- (2) Javni poziv se objavljuje na web stranici Općine, i ostaje otvoren do kraja tekuće godine, odnosno do utroška planiranih sredstva za ovu namjenu.
- (3) Zahtjevi za sufinansiranje dostavljaju se službi nadležnoj za oblast obrazovanja (u daljem tekstu: Služba) putem protokola Općine ili putem pošte.

Član 6. (Potrebna dokumentacija)

Uz zahtjev je potrebno priložiti:

- a) jasan opis projekta,
- b) predmjer i predračun radova/potrebne opreme,
- c) dokaz da škola posjeduje idejni/glavni projekat (ukoliko izvođenje planiranih radova podrazumijeva pribavljanje određenih saglasnosti),
- d) dokaz o obezbjeđenju dijela sredstva (ukoliko je obezbjeđeno sufinansiranje),
- e) broj transakcijskog računa, vrstu prihoda i budžetsku organizaciju obrazovne ustanove.

Član 7. (Kriteriji za odabir projekata)

- (1) Kriteriji odabira projekata koji će biti finansirani/sufinansirani, odnosno posebni uslovi na osnovu kojih se ocjenjuju prijave su:
 - a) Usklađenost ciljeva projekata sa strateškim prioritetima Općine;
 - b) Kvalitet i relevantnost zahtjeva za lokalnu zajednicu;
 - c) Finansijski kapaciteti za uspješnu realizaciju projekta;
 - d) Uticaj programa ili projekta, odnosno koje se promjene očekuju od provođenja programa ili projekta u nastavnom procesu.
- (2) Prioriteti za sufinansiranje/finansiranje:
 - a) već započeti projekti obrazovnih ustanova, a koji nisu okončani zbog nedostataka finansijskih sredstva;
 - b) projekti čija realizacija direktno utiče na poboljšanje obrazovnog procesa;
 - c) projekti namijenjeni povećanju sigurnosti učenika;
 - d) projekti namijenjeni poboljšanju higijenskih/zdravstvenih uslova;
 - e) projekti nabavke potrebnog namještaja

III POSTUPAK DODJELE SREDSTAVA I IZVJEŠTAVANJE

Član 8. (Način obrade zahtjeva)

- (1) Sve pristigle zahtjeve razmatra Služba i prijedlog za finansiranje dostavlja Općinskom načelniku.
- (2) Općinski načelnik će sa korisnicima budžetskih sredstava sklopiti ugovore kojima će se detaljno odrediti prava i obaveze ugovornih strana.
- (3) Isplata sredstva se vrši na transakcijski račun obrazovnih ustanova putem Službe za finansije.

Član 9. (Iznos sredstava)

- (1) Minimalan iznos sredstava koji se može dodijeliti za finansiranje projekta je 1.000,00 KM, a maksimalan ne može prelaziti iznos od 15.000,00 KM.

- (2) Izuzetno od odredbi prethodnog stava, Općinski načelnik na prijedlog Službe može donijeti odluku o dodjeli sredstava preko maksimalnog iznosa, ukoliko je to potrebno da bi se projekat u potpunosti realizovao.
- (3) Ukoliko je iznos projekta manji od iznosa navedenog u stavu (1) ovog člana, Općina će financirati stvarne troškove aktivnosti

Član 10.
(Obaveza izvještavanja)

Korisnici sredstava obavezni su Službi dostaviti finansijski i narativni izvještaj sa dokumentacijom o namjenskom utrošku sredstava u roku od 30 (trideset) dana nakon realizacije planiranih aktivnosti, odnosno najkasnije do kraja kalednarske godine u kojoj su sredstva dodijeljena.

Član 11.
(Stupanje na snagu)

Ovaj Pravilnik stupa na snagu narednog dana od dana objave na Oglasnoj ploči i web stranici Općine Vogošća.

OPĆINSKI NAČELNIK
Migdad Hasanović

Broj: 03-34-560/25
Vogošća, 15.04.2025. godine

Obrazloženje

I Pravni osnov

Pravni osnov za donošenje ovog Pravilnika je:

- član 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", br.49/06 i 51/09) i čl. 71. i 125. Statuta Općine Vogošća – („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24) kojim je određena nadležnost Općinskog načelnika za donošenje pojedinačnih i općih akata iz samoupravnog djelokruga općine;
- član 132. Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj: 27/24) kojim je definisan djelokrug jedinica lokalne samouprave u oblasti odgoja i obrazovanja;
- tačkom 5. Smjernica o minimalnim standardima dodjele proračunskih sredstava putem transfera i subvencija u Federaciji Bosne i Hercegovine („Službene novine Federacije BiH“ 37/24) definisana je obaveza primjena Smjernica od strane lokalnih zajednica.

II Razlozi donošenja Pravilnika

U Budžetu Općine Vogošća planiraju se sredstva za obnovu i opremanje obrazovnih ustanova. Cilj programa je unapređenje odgojno–obrazovnog procesa i uslova rada u predškolskim ustanovama, osnovnim i srednjim školama, te visokoškolskim ustanovama, odnosno stvaranja što povoljnijih uslova za realizaciju nastave.

Također, Smjernicama o minimalnim standardima dodjele proračunskih sredstava putem transfera i subvencija u Federaciji Bosne i Hercegovine („Službene novine Federacije BiH“ 37/24) definisani su minimalni standardi dodjele budžetskih sredstava koje budžetski korisnici dodjeljuju putem transfera i subvencija za finansiranje zakonski utvrđenih prava, programa i/ili projekata drugih nivoa vlasti, neprofitnih organizacija i pojedinaca, kao i obavezu primjene istih od strane lokalnih zajednica.

Kako bi se definisali uslovi za ostvarivanja prava na podršku, te utvrdio postupak dodjele sredstava koji bi svim obrazovnim ustanovama omogućio jednak tretman, pristupilo se izradi ovog Pravilnika.

III Obrazloženje predloženih rješenja

- Član 1. definiše predmet regulisanja Pravilnika;
- Članom 2. definiše cilj programa;
- Član 3. propisuje rodno značenje izraza;
- Član 4. propisuje pravo na dodjelu sredstva;
- Član 5. utvrđuje obavezu raspisivanja javnog poziva;
- Član 6. definiše potrebnu dokumentaciju;
- Članom 7. Definisani su kriteriji za odabir projekata;
- Član 8. propisuje način obrade zahtjeva;
- Član 9. definiše iznose sredstava;
- Članom 10. je propisana obaveza izvještavanja;
- Članom 11. utvrđen je način stupanja na snagu ovog Pravilnika.

II Finansijska sredstva

Sredstva za obnovu i opremanje obrazovnih ustanova obezbjedit će se u Budžetu Općine Vogošća.